



Broj: 01-07-10-25-19/2025
Sarajevo, 31.1.2025. godine

Dževad Salkić
[REDACTED]
[REDACTED]

Predmet: Postupanje po zahtjevu za pristup informacijama - obavijest da za dio traženih informacija postoji obaveza zaštite, odnosno čuvanja tajnosti, *dostavlja se*

Veza: Vaš zahtjev od 20.1.2025. godine, zaprimljen 22.1.2025. godine

Poštovani,

Visoko sudsko i tužilačko vijeće Bosne i Hercegovine (u daljem tekstu: VSTV BiH/Vijeće) je 22.1.2025. godine zaprimilo Vaš zahtjev za pristup informacijama u vezi sa predmetom Ureda disciplinskog tužioca (u daljem tekstu: UDT/Ured) VSTV-a BiH [REDACTED], kojim tražite status navedenog disciplinskog predmeta i dokumentaciju iz istog.

U odnosu na dio zahtjeva koji se odnosi na dostavu dokumentacije iz gore navedenog disciplinskog predmeta, u skladu sa članom 26. stav (2) tačka d) Zakona o slobodi pristupa informacijama na nivou institucija Bosne i Hercegovine ("Službeni glasnik BiH", broj 61/23; u daljem tekstu: Zakon), obavještavamo Vas da za tu traženu informaciju postoji obaveza čuvanja tajnosti, shodno članu 2. stav (1) Zakona, koji glasi: „(2) *Odredbe ovog zakona ne primjenjuju se na stranke u sudskom, upravnom i na zakonu osnovanim postupcima, kojima je dostupnost informacija iz tih postupaka utvrđena posebnim propisom.*“, zbog čega Vijeće nije u mogućnosti da dostavi podatke tražene Vašim zahtjevom.

S tim u vezi, a imajući u vidu odredbu člana 71. stav (1) Zakona o Visokom sudskom i tužilačkom vijeću Bosne i Hercegovine („Službeni glasnik BiH“ br. 25/04, 93/05, 15/08, 48/07, 63/23, 9/24 i 50/24; u daljem tekstu: Zakon o VSTV-u BiH), „*Pritužba ili dopis koji zaprimi Ured disciplinskog tužioca u kojem se navode povrede dužnosti od strane sudija ili tužilaca, kao i informacije prikupljene tokom istrage predstavljaju tajnu, izuzev za Vijeće, po njegovom zahtjevu*“, dostavljanje traženih informacija u ovom segmentu nije dopušteno.

U skladu sa navedenim, proizilazi da je pristup informacijama koje UDT prikupi tokom istrage, ograničen u skladu sa *lex specialis* propisom, u kojem slučaju je njihovo neobjavljivanje, a samim tim i nedostavljanje, u potpunosti opravdano i zasnovano na zakonom propisanom izuzetku, a kako je to omogućeno i u članu 6. stav (1) Zakona kojim je predviđen izuzetak od principa transparentnosti i otvorenosti informacija, a posebno član 2. stav (1) istog Zakona koji izričito propisuje da se odredbe ovog zakona ne primjenjuju na stranke u sudskom, upravnom i na zakonu osnovanim postupcima, kojima je dostupnost informacija iz tih postupaka utvrđena posebnim propisom.

U vezi dijela zahtjeva koji se odnosi na status disciplinskog predmeta, donosi se posebno rješenje broj: 01-07-10-25-18/2025 od 31.1.2025. godine kojim se odobrava pristup

informacijama o statusu predmeta Ureda disciplinskog tužioca [REDACTED], a u prilogu kojeg će se dostaviti i ova obavijest.

Pouka o pravnom lijeku: Protiv ove obavijesti može se podnijeti žalba Žalbenom vijeću pri Vijeću ministara Bosne i Hercegovine u roku od 15 dana od dana prijema ovog dopisa.

Dostavljeno:

1. Naslovu
2. U spis

